

NIVO OPREME PUTNIČKIH AUTOMOBILA

U priručniku "Identifikacija putničkih automobila" nivo opreme kod putničkih automobila nedovoljno je obrađen pojam. Samo pojedini proizvođači automobila u identifikacionom broju vozila (VIN-u) dali su malo informacija o ugrađenoj opremi.

Osjetio sam potrebu da ovaj pojam pokušam pojasniti, jer je vrlo bitan za pravilnu identifikaciju automobila.

Nivo opreme pored standardnih troškova proizvodnje bitno utiču na konačnu cijenu izrade pa proizvođači iste modele i tipove automobila izrađuju sa standardnom i luksuznom opremom.

Dodatna oprema automobila ugrađena po zahtjevu kupca ne spada u nivo opreme.

Proizvođači automobila za obilježavanje nivoa opreme najčešće koriste jedno, dva ili tri slova kao npr: L, CL, GL, GLS, CLX, a u novije vrijeme riječi: comfort, elegance, trendline, comfortline, highline i t. d.

I ovaj priručnik, kao i priručnik "Identifikacija putničkih automobila", je namijenjen svim službama i organima čiji rezultati rada zavise od pravilne identifikacije automobila. Prema tome, priručnik je namijenjen špediterima u cilju ispravnog popunjavanja carinskih dokumenata, carinskim organima u cilju ispravnog utvrđivanja carinske osnovice, kontrolorima tehničkog pregleda u cilju ispravnog unošenja tehničkih podataka u karton tehničkog pregleda, organima CJB u cilju popunjavanja saobraćajnih dozvola sa ispravnim tehničkim podacima, te sudskim vještacima i procjeniteljima šteta u cilju pravilne identifikacije automobila kao uslova za tačan obračun visine štete.

Priručnik bi takođe preporučio učenicima srednjih i viših škola unutrašnjih poslova, kao i studentima saobraćajnih fakulteta, kako bi proširili svoje znanje iz predmeta "Poznavanje drumsih vozila".

Proizvođačke cijene u tabelama izražene u KM i evrima predstavljaju proizvođačke cijene na njemačkom tržištu i mogu se koristiti samo za uporedni pregled vrijednosti nivoa opreme. Slovo "S" u tabelama predstavlja standardnu ugradnju u pojedine tipove ili nivoe opreme.